

1 Pedro

He⁻ la⁻ to⁻ në^ʹ je⁻ he⁻ ga⁻ si^ʹ Pee^ʹ

Ga⁻ chee^ʹ Pee^ʹ koo⁻ je⁻ kih^ʹ dsa⁻ gooy^ʹ hi⁻ ma^ʹ tääh^ʹ uu^ʹ
¹ Jnä^ʹ Pee^ʹ laan^ʹ apóstol kyaa^ʹ Jesucristo, siin⁻ kyah^ʹ
 hnäh^ʹ hi⁻ ga⁻ hwëë⁻ jwi⁻ kih^ʹ. Hnäh^ʹ hi⁻ tääh^ʹ hwa^ʹ
 Ponto, Galacia, Capadocia, Asia hi⁻ Bitinia. ² Dio hi⁻ laa^ʹ
 Täa⁻ jnän⁻ ga⁻ lleeyh⁻ hnäh^ʹ lä⁻ koh^ʹ hu⁻ dsë⁻ ma⁻ na⁻ la⁻
 kiyh^ʹ jää^ʹ, hi⁻ kyaah^ʹ Jmi⁻ lle^ʹ kiyh^ʹ ga⁻ mi⁻ lluu⁻ y^ʹ hnäh^ʹ
 mah^ʹ jmeeh^ʹ hnäh^ʹ he^ʹ kih^ʹ Jesucristo, hi⁻ lä⁻ ja⁻ ma⁻
 na⁻ jngëeh^ʹ hnäh^ʹ kyaah^ʹ jma⁻ kiyh^ʹ. Wa^ʹ mi⁻ jää^ʹ Dio
 hnäh^ʹ cha⁻ ga⁻ mi⁻ ih⁻ hi⁻ lä⁻ ja⁻ wa^ʹ jmeey^ʹ hii^ʹ tii^ʹ kyah^ʹ
 hnäh^ʹ.

Ma⁻ na⁻ laa⁻ jne^ʹ kwaat⁻ tēë^ʹ jne^ʹ ya⁻ jwi⁻
³ He⁻ ba⁻ che⁻ lluu^ʹ Dio Jmii⁻ Jesucristo Dsa⁻ jøøh^ʹ jnän⁻.
 Ha⁻ koh^ʹ sa⁻ ga⁻ lä⁻ nih^ʹ dsëy^ʹ jne^ʹ, he⁻ ja⁻ na⁻ ga⁻ jmeey^ʹ
 ga⁻ lä⁻ chaa⁻ jne^ʹ lä⁻ hmëë^ʹ ta⁻ la⁻ kih^ʹ he⁻ ga⁻ lä⁻ jiih⁻ Jesu-
 cristo jee^ʹ kih^ʹ hi⁻ na⁻ juu⁻. He⁻ ja⁻ kye^ʹ jne^ʹ o⁻ jøh⁻ dsë⁻
 he⁻ tēë^ʹ jne^ʹ jee^ʹ tääh^ʹ hi⁻ na⁻ jiih⁻. ⁴ Hi⁻ lä⁻ ja⁻ hnäh^ʹ jne^ʹ
 heen⁻ he⁻ høø⁻ Dio gyuu^ʹ, he⁻ sa⁻ hee^ʹ jih^ʹ koh^ʹ, he⁻ sa⁻
 lä⁻ soh^ʹ hi⁻ ni⁻ sa⁻ lä⁻ si⁻. ⁵ Kih^ʹ he⁻ ma⁻ dsoo⁻ dsë⁻ jne^ʹ
 kih^ʹ Dio, he⁻ ja⁻ hääy⁻ jne^ʹ kyaah^ʹ be^ʹ kiyh^ʹ lä⁻ jiih⁻ lääy^ʹ
 jne^ʹ go⁻ te⁻ lä⁻ koo⁻ ma⁻ na⁻ la⁻ juu⁻ mi⁻ jnääy⁻ jnän⁻ wa⁻ ra⁻
 ga⁻ tē⁻ jee^ʹ llaa⁻ jmi⁻ gyuu⁻.

⁶ He⁻ ja⁻ jëë⁻ dsë⁻ jne^ʹ, ma⁻ ke⁻ ko⁻ hwëë⁻ ba⁻ jëë⁻ jne^ʹ
 na⁻ ku⁻ na⁻ ngii⁻ he⁻ wi⁻ cher⁻ mah⁻ lä⁻ ja⁻ jmee⁻ bii⁻ he⁻
 dsa⁻ ngëë⁻ jne^ʹ. ⁷ Mah^ʹ lä⁻ jnä⁻, che^ʹ lä⁻ ma⁻ dsoo⁻ ja⁻ ba⁻
 dsë⁻ jne^ʹ kih^ʹ Dio. He⁻ dsoo⁻ dsë⁻ jne^ʹ, kyeë⁻ cha⁻ ga⁻ mi⁻ ih⁻
 lä⁻ koh^ʹ ga⁻ ku⁻ nøø⁻. Jëeh^ʹ ku⁻ nøø⁻ ja⁻, koo⁻ dsa⁻ llaa⁻ ba⁻.

Hi⁺ hnø⁺ koo⁺ kyaah⁺ je⁻, ja⁻gá⁺ lä⁺jnä⁺ ma⁺ra⁺ he⁻ llu⁺ ba⁺. Ja⁻ba⁺ lä⁺ja⁻ jne⁺, kyaah⁺ he⁻ jëe⁺ jne⁺ he⁻ wi⁺, lä⁺jnä⁺ he⁻ ma⁻dsoo⁺ dsë⁻ jne⁺ kih⁺ Dio mah⁺ lä⁺ja⁻ hlëeyh⁺ llu⁺ hi⁺ jmeey⁺ juuh⁻ jnän⁻ hi⁺ jmäy⁺ jne⁺ kwaan⁻ lä⁺koo⁻ hi⁻ kaah⁺ wa⁺ra⁻ ga⁺të⁺ jee⁺ lä⁺jnää⁺ Jesucristo. ⁸ Hnaah⁺ ba⁺ hnäh⁺ Jesucristo ma⁺ke⁺ sa⁺ ma⁻jëeh⁻ hnih⁺. Hi⁺ ma⁺ra⁺ he⁻ dsoo⁺ ba⁺ hoh⁺ hnäh⁺ kiyh⁺, ma⁺ke⁺ sa⁺ jëeh⁺ hnäh⁺. He⁻ja⁻ ba⁺ jëe⁻ hoh⁺ hnäh⁺ cha⁻miih⁻, lä⁺jiih⁺ mo⁻so⁺ lä⁺këh⁺ hnäh⁺ jmi⁺ hlëeh⁺ hnäh⁺ lä⁺koh⁺ te⁺ he⁻ jëe⁻ hoh⁺ hnäh⁺. ⁹ Jëeh⁺, ma⁻na⁻laah⁺ hnäh⁺ na⁺. He⁻ na⁻ ba⁺ hnooh⁺ hnäh⁺ he⁻ja⁻ ma⁻lä⁻dsoo⁺ hoh⁺ hnäh⁺.

¹⁰ Lä⁺jëe⁺ hi⁻ ga⁺ngëe⁺ juu⁺ kih⁺ Dio llo⁺joo⁺, ga⁺hlëeh⁺ kih⁺ ha⁻lä⁺ mi⁻jää⁺ Dio jne⁺. Ga⁺kway⁺ be⁺ ma⁺hnøoy⁺ ma⁺ lä⁺ngëey⁺ ha⁻lä⁺ jwë⁺ jee⁺ lää⁺ Dio jne⁺ lä⁺koo⁻ ma⁻jwahn⁺ la⁻. ¹¹ Hi⁺ Jmi⁻lle⁺ kih⁺ Cristo ga⁺jmee⁺ juu⁺ kih⁺ dsa⁻ he⁺, ha⁻lä⁺ jëe⁺ Cristo wi⁺ hi⁺ ha⁻lä⁺ leey⁺ jøoh⁺ ma⁻ngëe⁺ ma⁻jëey⁺ wi⁺. Hi⁺ ga⁺kwa⁺ dsa⁻ he⁺ be⁺ ma⁺hnøoy⁺ lä⁺ngëey⁺ hii⁻ dsa⁻ ma⁺lee⁺ Cristo hi⁺ hee⁻ jmi⁺ ma⁺le⁺ lä⁺ja⁻. ¹² Pero Dio ga⁺mi⁻jnää⁻ kih⁺ dsa⁻ he⁺, ja⁺ kih⁺ jmi⁺ ja⁻ heh⁺ juu⁺ he⁻ ga⁺kway⁺ ja⁻, la⁺ jnä⁻ jne⁺ ba⁺ ja⁻. Juu⁺ ja⁻ ma⁻nuu⁺ jne⁺ na⁺. Jëeh⁺, kyaah⁺ be⁺ kih⁺ Jmi⁻lle⁺ Na⁻jngii⁺ he⁻ ja⁺ gyuu⁺, ga⁺kwa⁺ dsa⁻ ju⁺hmëe⁺ la⁻. Hi⁺ lä⁺kye⁻ ángele ka⁻läh⁺ ma⁺hnøø⁺ ma⁺lä⁺ngëey⁺ ha⁻lä⁺ la⁺ juu⁺ la⁻.

Dio hnøø⁺ lee⁺ jne⁺ na⁻jngëe⁺

¹³ Kih⁺ he⁻ja⁻ na⁻, jwëeh⁻ hnäh⁺, wa⁺ jñiih⁺ hu⁺dsë⁻ kyah⁺ hnäh⁺ mah⁺ hää⁻ hnäh⁺ hñaah⁺. Lä⁺kaa⁻ tuh⁻hoh⁺ hnäh⁺ jøø⁺ hnäh⁺ heeh⁺ he⁻ la⁺ kwa⁺ Dio wa⁺ra⁻ ga⁺të⁺ jee⁺ lä⁺jnää⁺ Jesucristo. ¹⁴ Wa⁺ laa⁺ jne⁺ lä⁺koo⁻ ja⁻ gyuu⁻ hi⁻ nuuh⁺ kih⁺ jmi⁻. Mo⁻so⁺ wa⁺ jmee⁺ ga⁺ jne⁺ lä⁺koo⁻ ma⁺ jmee⁻ jne⁺ jää⁺ he⁻ sa⁺ ma⁻kyuu⁺ jne⁺ juu⁺ kih⁺ Dio. ¹⁵ Ja⁻ba⁺ lä⁺koh⁺ na⁻jngëe⁺ Dio hi⁻ ga⁺lleeh⁻ jne⁺, ja⁻ba⁺

lä'ja- hnøð¹ dsa'toohn¹ na-jngëe¹ jne¹ kyaah¹ lä'jê he-
jmeen-. 16 Lä'ta- na-sii- juu¹ kih¹ Dio: "Wa' laah¹ hnäh¹
na-jngëe¹ lä'koo- na-jngëe¹ jnä'."

17 Jwah¹ hnäh¹ Täa¹ kih¹ Dio hi- ngiih¹ kwaat- kih¹
lä'hii¹ né ha-lä'tääh¹ haa¹ dsa-. He-ja- hnøð¹ gah¹ hnih¹
ta'ko-jiih¹ chaah¹ hnäh¹ jmi-gyuu¹ la-. 18 Jëeh¹, ma-ñeh¹
ba¹ hnäh¹ joh¹ sa¹ ga-këë¹ he¹ ga-läa¹ Dio jne¹ kih¹ lä'jê
he- hliih¹ he¹ ga-lä'tëë¹ jne¹ kih¹ dsa- ma-gyuu¹ jnän¹.
Sa¹ ga-lä'hmaah¹ kyaah¹ he¹ dsa-hee¹, lä¹ la¹ kuu¹ tøø-
ku¹nøø¹. 19 Ga-lä'hmaah¹ kyaah¹ jma¹ kih¹ Cristo he-
hmoo¹ jwërte, laay¹ lä'koo- ja- borrego mäh¹ hi- lluu¹
go-te- hi- kwëeh¹ dsa¹ Dio. 20 Jää¹ ja-ga¹ nøø¹ jmi-gyuu¹
la-, ma-na-la¹ juu¹ chee¹ Dio joo¹. Hi¹ na¹ jee¹ ngoo¹
ga¹dsaa¹ jmi-gyuu¹, ma-mi-jnäa¹ bih¹ jnän¹ ta-la¹ kih¹
he¹ hnäy¹ jne¹. 21 Ta-la¹ kih¹ Cristo ma-lä-dsoo¹ dsë¹ jne¹
kih¹ Dio hi- ga-mi-jiih¹ jee¹ kih¹ hi- na-juu¹ hi¹ ga¹jmäy¹
jøøh¹. He-ja¹ kih¹ Dio ba¹ he¹ ma-lä-dsoo¹ dsë¹ jne¹ hi¹
kih¹ hñii¹ bih¹ he¹ ma-cha¹ o-jøh¹ dsë¹ jnän¹.

22 Na¹ ma-na-jngëe¹ jne¹ kyaah¹ be¹ kih¹ jmi-llë¹
Na-jngii¹, lä'llu¹ he¹ ga¹jmee¹ jne¹ he¹ kih¹ juu¹ dsoo¹
mah¹ lä'ja- lä'hnäa¹ jne¹ øøh¹ jne¹, pero ja¹ kyaah¹ juu¹
ta¹jmah¹. He-ja¹ wa¹ lä'hnäa¹ jne¹ øøhn¹ lä'kaa¹ tuh¹ dsë¹
jne¹ hi¹ kyaah¹ lä'jê be¹ jnän¹. 23 Jëeh¹, he¹ ga-lä'chaa¹ jne¹
ka-läh¹ lä'hmäe¹, sa¹ la¹ kyaah¹ jmi-ngo¹ he¹ dsa-hee¹.
Chaa¹ jne¹ kyaah¹ juu¹ kih¹ Dio he¹ na¹jiih¹ ba¹. He-ja¹
sa¹ hee¹ jih¹koh¹ jih¹lih¹. 24 Jëeh¹ (lä'ta- na-sii- juu¹ kih¹
Dio):

Lä'jêe¹ dsa¹ laa¹ lä'koo- wa¹nuu¹.

Lä'jê he¹ jnä¹ na'hñaa¹ kih¹ dsa¹, la¹ lä'koo- wa¹le¹ kih¹
wa¹nuu¹ ba¹.

Dsa-lä-kii¹ wa¹nuu¹, hi¹ wa¹le¹ kih¹ dsa-tøh¹.

²⁵ Pero juu' kih' Dio, lä' ma' cha' ja' ba', sa' llaa' jih' koh'. He' la' ja' juu' he' ga' nuuh' hnäh' lä' koo' ma' ga' kwa' dsa' ju' hmëe' kih' Cristo.

2

¹ He' ja' be' hnäh' lä' jë' he' hlih', ta' jmee' hnäh' juu' ta' juu', ta' wa' ta' juuh' hnäh' he' jmäh' hnäh' hñaah' lä' koo' jaa' hi' mi' te' mah' sa' mi' teyh', ta' wa' wi' hoh' hnäh', ta' koo' hnäh' juu' jwi'. ² Lä' jmee' jaa' gyuu' sëh' hi' tuh' ko' lla' jih', lä' ja' wa' lä' hee' hoh' hnäh' wa' juh' he' la' koo' nëe' ba' he' gwa' gyuu'. He' la' na' la' juu' he' sa' jwëh' he' jmee' dsa' nøø' jne' ta' cha' në' lä' jwë' jee' lää' jne'. ³ Jëh', ma' kyuu' ba' hnäh' ha' koh' sa' llu' dsë' Dsa' jøh' jnän'.

Cristo laa' lä' koo' mi' kuu' he' na' jih'

⁴ He' ja' ya' nääh' hnäh' chuh' kih' Cristo hi' laa' lä' koh' kuu' he' na' jih' he' sa' ga' tih' dsë' dsa' jää', pero kih' Dio, laay' lä' koh' mi' kuu' he' na' llih' hi' hmooh' jwërte ka' läh'. ⁵ Hi' ja' ba' lä' ja' laah' hnäh' lä' koh' kuu' he' na' jih', he' kyaah' jmee' Dio hne' kiyh' hi' leeh' hnäh' lä' koo' jmi' dsa' hi' na' jngëe' go' te' mah' kwëh' hnäh' Dio lä' jë' he' ngiy'. Lä' ja' ba' tih' dsë' Dio jmeeh' hnäh' ta' la' kih' Jesucristo. ⁶ Kih' he' ja' ba' hlëeh' lä' la' jee' na' si' juu' kih' Dio:

Jnä' Dio llaan' jwi' Sion jaa' hi' laa' lä' koo' kuu' he' kye' dsa' to' në' kih' koo' hne' juuh'.

La' koo' mi' kuu' na' llih' he' hmooh' jwërte.

Hi' dsoo' dsë' kiyh', jih' koh' sa' jay' kyaah' o' hih'.

⁷ Kuu' ja' hmooh' jwërte kyah' hnäh' hi' ma' dsoo' dsë'.

Pero kih' hi' sa' dsoo' dsë' kih' Dio, na' si' lä' la':

Ja' ba' kuu' he' sa' ga' tih' dsë' të' hyah',

he- ja- ba' ga- ja' lä-koö- mi'kuu' he- kye- dsa- to- ne' kih
 'koö- hne' juuh-.

⁸ Hi- lä- la- na- si- ka- läh':

La' koö- mi'kuu' he- dsa- tēh' dsa- hi- lä-koö- hloo- he-
 jmee- dsa- täh- dsa-.

Dsa- he' dsa- tēh', kih' he- sa- hii- heeyh- juu' kih' Dio,
 ko- ja- lle' kih' bih' ja-.

⁹ Pero jne' ma- laa' jne' koö- nää' dsa- hi- na- lleeh'
 ba', hi- ma- laa' jne' lä-koö- jmi- dsa- kyaa' dsa- ta' jøøh
 ', ma- laa' jne' koö- nää' dsa- hi- na- jngēē'. Hi- ja- ba'
 lä- ja- ma- laa' jne' koö- jwi- kih' Dio mah' kwa' jne' juu'
 ha- lä- la' he- juh- gaa- he- jmeey-. Jēēh', ga- hwēēy' jne'
 jee' na- hoö- mah' dsa- tooh' jne' kyaayh' jee' jnä' wa- je-
 jih' gyeh'. ¹⁰ Jää' sa- cha- ma' laa' jne' kih' Dio, pero na'
 ma- laa' jne' dsa- kyaay'. Sa- chaa- hi- ga- lä- nih' dsē' jne'
 jāä', pero na' ma- lä- nih' dsē' Dio jne'.

Jmee' bi' mi'te' jne' kih' Dio

¹¹ Peer- hnaan- hnäh' øøhn'. Jwi- hnäh' hi- ga- hwēē-
 jwi- kih' mah' ga- nääh' hnäh' jee' jyoh' jwi-. Lä- koh'
 he- mo- so- na- jnääh' hnäh' kih' jmi- gyuu- ba' la'. He-
 ja- chuun' kyaah' hnäh', mo- to- jmee- hnäh' he- ngi-
 jmi- ngo' kyah' hnäh' he- jmee- dsa- hee' tuh- hoh' hnäh'.

¹² Go- taah' hnäh' lä-koö- lle' kyah' hnäh', jee' kih' dsa-
 hi- sa- ma- heeh- kih' Dio mah' lä- ja- jmeey' juuh- kih'
 Dio wa- ra- ga- tē' jee' jäyh'. Jēēh' ma- ja- jēē' dsa- he', he-
 llu' ba' ta' kyah' hnäh' ma- ke- na' hlēēyh- wi' kyah' hnäh',
 jäyh' he- hlih' ba- na- jmeeh- hnäh'.

¹³ Kwaat- kih' Dsa- jøøh' jnän', wa' nuuh' hnäh' kih'
 lä- jēē- dsa- hi- laa' ta' jmi- gyuu- la-. Lä- ja- wa' nuuh'
 hnäh' kih' dsa- ta' jøøh' hi- jmee- hih- kih' lä- jēē-. ¹⁴ Hi-
 lä- ja- wa' nuuh' hnäh' kih' lä- jēē- lle' moh' hi- na- hñaa'

kyaay' hi- lla' ta' kih' hi- jmee' he- hliih' hi- hlëeyh' llu' kih' hi- jmee' he- llu' jmah' ba'. ¹⁵ Jëeh', Dio hnøø' jmeeh' hnäh' he- llu' jmah' ba' mah' sa' cha- he- kih' hlëeh' wi' hi- sa' ngëe' hi- sa' cha- huu'dsë- llu' kih'. ¹⁶ Go-taah' hnäh' lä'koo- ja- hi- na-laa' ba', jëeh' mo'so' cha- he- hni~ kyah' hnäh'. Pero ta' jmee- hnäh' huu'dsë- cha- jwë' jmeeh' hnäh' wa' la' cha- la', kih' he- ma-na-laa' hnäh'. Jmee' hnäh' lä'koo- jmee' hi- tääh' tää' jmee' ta'he' kih' Dio ba'. ¹⁷ Wa' jiih' jne' juu' llu' kih' lä'jëe' dsa-. Wa' hnää' jne' øøh' jne', wa' gah' jne' Dio, hi' wa' mi-te' jne' kih' dsa-ta' jøøh' hi- chaa- hwa' la'.

¹⁸ Hnäh' hi- jmee' ta' kih' dsa', wa' nuuh' hnäh' kih' juu' ta' hi' wa' gah' hnih'. Ja' ma-la' kih' hi- jmee' llu' hi- jøh- dsë', lä'ja- jmeeh' hnäh' kih' juu' ta' hi- sa' jøh- dsë' kyaah' dsa-. ¹⁹ Jaa- dsa- hi- jëe- wi', ma'ke- sa' cha- he- kih' jmeeh' dsih', cher'mah' heeh- bih' he- jëey- wi', lä'ja- ba' tih- dsë' Dio. Jëeh', ga' jmeey' lä'koo- lle' kih' mah' sa' cha- he- kih' he- hni' huu'dsë- kiyh'. ²⁰ Ha- jmää' he- be' hoh' hnäh' he- jëeh' hnäh' wi' cher'mah' jmeeh- ga' hnäh' he- hliih'. Pero cher'mah' ga-lä-be' hoh' hnäh' he- jëeh' hnäh' wi' kih' he- jmeeh- hnäh' he- llu', he- na- ba' tih- dsë' Dio. ²¹ Kih' he-ja- ba' ga-lleeh- Dio jne'. Jëeh', Cristo ga-jëey' wi' kwaan- jnän'. Hñiiy' ga' jmeey' to-në' mah' jmee' jne' lä'ja-. ²² Cristo, sa- ga' jmeey' ni' miih- dso'kye-, ni' sa' ga-mi-gaay- ni' ja- dsa-. ²³ Ma' ga-hlëeh' dsa- hliih' kiyh', sa' ga-jiyh' juu' kyaah' dso'jwi'. Hi' ma' ga-heeh' dsih' wi', sa' ga-ta' ga-haayh- dsa-. Ga-tooyh- goo- Dio ba' hi- lla' ta' kyaah' juu' dsoo'. ²⁴ Cristo ga-koo' lä'jëe' dso'kye- jnän- në' kiyh' lä'koo- ma' ga-taay- dsöh' hma-cru-. Lä'ja- ma-na-juu' jne' kih' dso'kye- mah' jmee' jne' he- llu' jmah' ba'. Ga-jä'

jnän, lällu' he- ga'la' dsoo' kiyh'. ²⁵ Ma' laa' jne' lä'koo-
jaa- borrego hi- ga'kah~ jwë', pero na' ma-jeeh~ jne' kih'
Cristo hi- hää~ jne' hi- jøø' jnän`.

3

Nuuh' kih' hi- na-jee' goo-

¹ Hi- ja-ba' lä'ja- hnäh' dsa-më' hi- chaa- dsa-nuuh-
kyaä', wa' nuuh' hnäh' kiyh'. Hi- cher'mah' dsa-nuuh-
kyaah' sa- ma-heeyh- kih' Dio, sa- jwëeh' kiyh' heeyh-
juu' kih' Dio. Sa- hnøø' cha-miih- juu', wa'ra- ga-jëy'
he- hwaah' hnäh' kyaayh'. ² Lee- koo- jëy~ ba- he-
jmeeh- hnäh' llu' hi- gah' hnih' ka-läh'. ³ Ta- jmää'
hnäh' hñaa' kyaah' he- na-lii' cha-miih- lleh', tääh'
cha-miih- caden' luuh', kyeh' hnäh' hmiih- hmooh' mah'
jëe' dsa- kyah' hnäh'. ⁴ Wa' laah' hnäh' na'hñaa' ta- neh-
tuh-hoh' hnäh' ba', kyaah' he- hwaah' hnäh' hi- tääh'
hnäh' to-kë'. Heh' na'hñaa' lä'ja-, sa- lä'sii' jih'koh'
hi- kyee' cha-miih- kih' Dio. ⁵ Lä'ja- ma' laa' na'hñaa'
dsa-më' hi- na-jngëe' hi- ma' chaa- llo'joo'. Ma' kyey-
o-jøh' dsë- kih' Dio hi- ma' nuuyh' kih' dsa-nuuh- kyaay'.
⁶ Lä'ja- ma' laa' Sara, ma' nuuyh' kih' Abraham, ga-jmääy'
jøøh'. Hi- lä'ja- hnäh' dsa-më', leeh' hnäh' lä'koo- ma'
laa' Sara cher'mah' jmeeh- hnäh' he- llu' hi- ni- sa- gah'
hnäh' ni- miih-.

⁷ Hi- ja-ba' lä'ja- hnäh' dsa-nuuh- hi- chaa- dsa-më'
kyaä', go-taah' hnäh' llu' kyaayh' lä- hnøø' kih' dsa-më'.
Jëeh', sa- cha- be' kiyh' lä'koh' hnäh'. Pero Dio ba' jmeë-
he- chaa- dsa-më' dsa-nuuh-, he-ja- kwee- ba' na'jnää'
hnäh' cha'nëy'. Lä'ja- hnäh' dsa-nuuh-, go-taah' hnäh'
llu' kyaayh', mah' nuu' Dio jee' ngi'h' hnäh' kyah'.

Hnøø' heeh' jne' he- jëen' wi'

⁸ Koo⁻ ka⁻läh^ʔ jwëehn[~] hnäh^ʔ, wa^ʔ la^ʔ koo⁻ nëë^ʔ ba^ʔ huud⁻dsë⁻ kyah^ʔ hnäh^ʔ jee^ʔ lä⁻jëë⁻ hnäh^ʔ, wa^ʔ jøh⁻ hoh^ʔ hnäh^ʔ, wa^ʔ hnaah⁻ hnäh^ʔ dsa⁻kyaah^ʔ hnäh^ʔ lä⁻koo⁻ jaa⁻ øøh^ʔ hnäh^ʔ. Wa^ʔ lä⁻ñih^ʔ hoh^ʔ hnäh^ʔ hi⁻ jmee^ʔ hwaah^ʔ hnäh^ʔ. ⁹ Ta⁻ jiih^ʔ hliih^ʔ kih^ʔ hi⁻ jmee⁻ he⁻ hliih^ʔ, ni⁻ ta⁻ hlëeh⁻ wii^ʔ kih^ʔ hi⁻ hlëeh⁻ wii^ʔ kyah^ʔ hnäh^ʔ, ngii^ʔ hnäh^ʔ he⁻ llu⁻ʔ kiyh^ʔ ba^ʔ. Kih^ʔ he⁻ ja⁻ ba^ʔ ga⁻tëeh^ʔ Dio jne^ʔ mah^ʔ mi⁻jääy^ʔ jne^ʔ. ¹⁰ Jëeh^ʔ lä⁻la⁻ na⁻si⁻ juu^ʔ kih^ʔ Dio:

Hi⁻ hnøø^ʔ lä⁻chaa⁻ llu^ʔ jmi⁻gyuu⁻ la⁻,
 hi⁻ hnøøy^ʔ dsa⁻ngëëy^ʔ llu^ʔ ta⁻ko⁻jiih^ʔ chaay⁻,
 wa^ʔ høøy^ʔ hooy^ʔ mah^ʔ sa⁻ hwëë⁻ juu^ʔ hliih^ʔ,
 hi⁻ ta⁻ wa^ʔ hlëëyh^ʔ juu^ʔ ta⁻juu^ʔ.

¹¹ Wa^ʔ lä⁻øøy^ʔ kih^ʔ he⁻ hliih^ʔ mah^ʔ wa^ʔ jmeey^ʔ he⁻ llu^ʔ jmah^ʔ ba^ʔ.

Wa^ʔ hnøøyh⁻ ha⁻lä⁻ jee^ʔ hii^ʔ tii^ʔ dsëy^ʔ,
 lä⁻ja⁻ wa^ʔ jmeey^ʔ lä⁻jë⁻ jmi^ʔ.

¹² Hää⁻ ba^ʔ Dio lä⁻jëë⁻ hi⁻ jmee⁻ he⁻ llu^ʔ,
 hi⁻ nuu⁻ bih^ʔ kih^ʔ lä⁻jë⁻ he⁻ ngiiy⁻.

Pero ya⁻jëë⁻ dsëy^ʔ kyaah^ʔ hi⁻ jmee⁻ dso⁻kye⁻.

¹³ ¿Hii⁻ na⁻ hi⁻ jmee⁻ he⁻ hliih^ʔ kyah^ʔ hnäh^ʔ cher^ʔ mah^ʔ jmeeh⁻ hnäh^ʔ he⁻ llu^ʔ jmah^ʔ ba^ʔ? ¹⁴ Pero llu^ʔ la^ʔ kyah^ʔ hnäh^ʔ ma⁻ke⁻ jëeh^ʔ hnäh^ʔ he⁻ wii^ʔ, kwaat⁻ kih^ʔ he⁻ llu^ʔ he⁻ jmeeh⁻ hnäh^ʔ. Ta⁻ jøøh⁻ hnäh^ʔ hñaah^ʔ kih^ʔ ni⁻ jaa⁻, ni⁻ ta⁻ wa^ʔ gah^ʔ hnäh^ʔ. ¹⁵ Wa^ʔ gah^ʔ hnäh^ʔ Dio ba^ʔ. Hnääh^ʔ hnäh^ʔ Dio lä⁻kaa⁻ tuh⁻hoh^ʔ hnäh^ʔ. Hnøø^ʔ wa^ʔ na⁻llu⁻ juu^ʔ kyah^ʔ hnäh^ʔ tää⁻ mah^ʔ cha⁻ he⁻ jwiih^ʔ lä⁻jaa⁻ lä⁻jaa⁻ dsa⁻ hi⁻ ngii^ʔ juu^ʔ ha⁻lä⁻ la⁻ o⁻jøh⁻ dsë⁻ he⁻ cha⁻ kyah^ʔ hnäh^ʔ. Lä⁻ja⁻ wa^ʔ hwaah^ʔ hnäh^ʔ kyaayh^ʔ, hi⁻ jiih^ʔ hnäh^ʔ juu^ʔ llu^ʔ kiyh^ʔ. ¹⁶ Hää⁻ hnäh^ʔ hñaah^ʔ mah^ʔ sa⁻ hni⁻ huud⁻dsë⁻ kyah^ʔ hnäh^ʔ, hi⁻ lä⁻ja⁻ jä⁻ o⁻hih⁻ hi⁻ hlëeh⁻ wii^ʔ kyah^ʔ hnäh^ʔ kih^ʔ he⁻ ga⁻nääh^ʔ hnäh^ʔ jmeeh⁻ hnäh^ʔ he⁻ llu^ʔ lä⁻ hnøø^ʔ Cristo.

¹⁷ Hi⁻ cher'mah¹ hnøø¹ Dio jëë' jne' he⁻ wiï' lä⁻ ma' jmee⁻ jne' he⁻ llu¹, llu¹ ga' lä⁻ja⁻, lä⁻koh' ga' he⁻ jëë' jne' he⁻ wiï' lä⁻ ma' jmee⁻ jne' dso'kye⁻.

¹⁸ Lä⁻ja⁻ ga⁻la¹ kih¹ Cristo ka⁻läh'. Koo⁻ hä' ja⁻ba' ga⁻juuy¹ kih¹ dso'kye⁻ jnän'. Hi⁻ lluu¹ he' ga⁻juuy¹ kwaat⁻ jnän' hi⁻ jmee⁻ dso'kye⁻ mah¹ lä⁻ja⁻ tēy' jne' kih¹ Dio. La¹ juu¹ dsoo' ga⁻juu¹ jmi⁻ngo¹ kiyh¹ pero ga⁻lä⁻jiih¹ laay¹ jmi⁻llē'. ¹⁹ Lä⁻ja⁻ ñeey' laay¹ jmi⁻llē', na'kway⁻ juu¹ kih¹ jmi⁻llē' hi⁻ tääh' na⁻jnēē', ²⁰ hi⁻ sa⁻ ga⁻jmee' he¹ kih¹ Dio llo'joo'. Ma' jøh⁻ dsē¹ Dio kyaayh', sa⁻ ga⁻cheey' चाह¹ he⁻ wiï' nē¹ kiyh¹ ta⁻kø⁻jiih¹ ma' jmee⁻ Noé barco. Miih⁻ go⁻te⁻ ba' ga⁻laa¹ kyaah¹ barco ma' ja¹ jmi⁻. He⁻lii¹ ba' ga⁻tē¹ jñaa¹ dsa⁻jee¹ lä⁻jēē'. ²¹ He⁻ ga⁻la¹ lä⁻ja⁻ kyaah¹ jmi⁻ja⁻, la¹ lä⁻koo⁻ he⁻ ga⁻saa⁻ jne' jmi⁻ he⁻ kyaah¹ ma⁻laa¹ jne' na¹. Pero he⁻ saa⁻ jne' jmi⁻, sa⁻ dsa⁻jñee' jne' kyaah¹ he⁻ ja⁻. He⁻ na⁻ koo⁻ jiih¹ juu¹ ba' he⁻ mo⁻so⁻ hñi⁻ huud⁻dsē¹ jnän' kih¹ Dio ta⁻la¹ kih¹ he⁻ ga⁻lä⁻jiih¹ Jesucristo. ²² Hi⁻ ngaayh¹ gyuu¹, na'gyay⁻ jwoo¹ ra⁻lluu¹ kih¹ Dio. Hi⁻ lä⁻jēē¹ ángele hi¹ lä⁻kye⁻ lä⁻jēē¹ hi⁻ cha⁻ be¹ kih¹ gyuu¹ nuuh¹ kiyh¹.

4

Wa'jmeen' lä⁻jē⁻ ta' he⁻ ma⁻hñah⁻ jne' kih¹ Dio

¹ Lä⁻ ma' kye⁻ Cristo jmi⁻ngo¹ lä⁻koh' kye' jne', ga⁻jēy' wiï' kwaat⁻ jnän'. He⁻ja⁻ wa' la¹ koo⁻ nēē¹ ba' huud⁻dsē⁻ jnän' kyaayh'. Wa' heeh¹ jne' jëë' jne' he⁻ wiï'. Jēēh¹ jaa⁻ hi⁻ ma⁻jēē¹ wiï' mo⁻so⁻ cha⁻ he⁻ kih¹ jmee¹ gyih¹ dso'kye⁻. ² He⁻ja⁻ ta⁻kø⁻jiih¹ chaay⁻, mo⁻so⁻ jmee¹ gyih¹ he⁻ ngii¹ jmi⁻ngo¹ kiyh¹. Hnøø¹ jmeey¹ lä⁻ tih⁻ dsē¹ Dio ba'. ³ Ma⁻lee⁻ ba' lä⁻koo⁻ te¹ he⁻ ma⁻jmeeh¹ hnäh¹ jää¹, lä⁻ ma' jmeeh⁻ hnäh¹ lä⁻jē⁻ he⁻ la¹ o⁻hih¹ hi¹ he⁻ ga⁻jyoh¹

he- ngii⁺ jmi-ngo⁺ kyah⁺ hnäh⁺. Ga-lä⁺heeh⁺ hnäh⁺, ja⁺ kyaah⁺ hih⁺ ga⁺kuh⁺ hnäh⁺ lä⁺ ma⁺ cha⁺ jmi⁺ hi⁺ ga⁺jmeeh⁺ hnäh⁺ juuh⁺ kih⁺ dio hi⁺ na⁺ laa⁺ kaah⁺ dsa⁺ he⁺ sa⁺ lä⁺jëe⁺ Dio go⁺te⁺. Ma⁺ jmeeh⁺ hnäh⁺ lä⁺koh⁺ jmee⁺ lä⁺jëe⁺ hi⁺ sa⁺ ma⁺heeh⁺ kih⁺ Dio. ⁴ He⁺ ja⁺ dsa⁺ dsë⁺ dsa⁺ he⁺ na⁺, he⁺ mo⁺so⁺ jmeeh⁺ hnäh⁺ ko⁺jøh⁺ kyaayh⁺ jee⁺ ga⁺näy⁺ jmeey⁺ na⁺ku⁺ na⁺ngii⁺ he⁺ hliih⁺ ja⁺. He⁺ ja⁺ na⁺ hlëeyh⁺ wi⁺ kyah⁺ hnäh⁺. ⁵ Pero dsa⁺ he⁺ ngëey⁺ kwaat⁺ kiyh⁺ cha⁺ne⁺ hi⁺ gya⁺ ma⁺ na⁺llu⁺ llay⁺ ta⁺ kih⁺ lä⁺jëe⁺ hi⁺ na⁺jiih⁺, hi⁺ lä⁺ja⁺ kih⁺ hi⁺ na⁺juu⁺. ⁶ Kih⁺ he⁺ ja⁺, ga⁺kwa⁺ dsa⁺ ju⁺hmëe⁺ kih⁺ hi⁺ ma⁺ na⁺juu⁺. Jëeh⁺, ma⁺ke⁺ ga⁺juuy⁺ lä⁺koo⁺ lle⁺ kih⁺ dsa⁺juu⁺ dsa⁺ jmi⁺ gyuu⁺, pero na⁺jiih⁺ jmi⁺ lle⁺ kiyh⁺ jee⁺ ka⁺ Dio.

⁷ Ngoo⁺ ya⁺ jäh⁺ llaa⁺ jmi⁺ gyuu⁺. He⁺ ja⁺ mi⁺ leeh⁺ hnäh⁺ hi⁺ chu⁺ hnäh⁺ ko⁺ lla⁺ jiih⁺ kyaah⁺ Dio. ⁸ He⁺ kyeë⁺ ga⁺ kih⁺ jee⁺ lä⁺jë⁺, wa⁺ hnaah⁺ hnäh⁺ øøh⁺ hnäh⁺. Jëeh⁺, kyaah⁺ he⁺ hnää⁺ jne⁺ øøh⁺ jne⁺, dsa⁺ jne⁺ jwë⁺ kih⁺ cha⁺ miih⁺ dso⁺kye⁺. ⁹ Lä⁺kaa⁺ tuh⁺hoh⁺ hnäh⁺, heeh⁺ øøh⁺ jne⁺ hi⁺ dsa⁺nää⁺ cha⁺neh⁺ kyah⁺ hnäh⁺. ¹⁰ Na⁺ sii⁺ ba⁺ ta⁺ he⁺ la⁺ kwa⁺ Dio jmeen⁺ mah⁺ jmee⁺ jne⁺ ta⁺ he⁺ kih⁺ dsa⁺ kyaahn⁺. Hi⁺ lä⁺jaa⁺ lä⁺jaa⁺ jne⁺ hnøø⁺ mi⁺ten⁺ kyaah⁺ ta⁺ he⁺ ma⁺ hñah⁺ jne⁺ mah⁺ jmää⁺ jnän⁺ he⁺ llu⁺ dsë⁺ Dio kyaah⁺ jne⁺. Ja⁺ koo⁺ nëe⁺ he⁺ llu⁺ he⁺ kwëeyh⁺ dsa⁺ kyaay⁺. ¹¹ Cher⁺ mah⁺ hi⁺ hlëeh⁺ dsa⁺, wa⁺ hlëeyh⁺ lä⁺koo⁺ jaa⁺ hi⁺ ngëe⁺ juu⁺ kih⁺ Dio ba⁺. Cher⁺ mah⁺ hi⁺ kwa⁺ be⁺ kih⁺ dsa⁺, wa⁺ kway⁺ kyaah⁺ be⁺ kih⁺ Dio. Lä⁺ja⁺ lä⁺jë⁺ he⁺ jmee⁺ jne⁺, hnøø⁺ jmeen⁺ kyaah⁺ be⁺ kih⁺ Dio mah⁺ jmee⁺ dsa⁺ juuh⁺ kiyh⁺ ta⁺ la⁺ kih⁺ Jesucristo. Lä⁺ja⁺ jmään⁺ jøøh⁺ Dio jnän⁺ hi⁺ cha⁺ be⁺ kih⁺ ga⁺ lä⁺jë⁺ joh⁺ jmi⁺ cha⁺. Wa⁺ la⁺ lä⁺ja⁺.

Jëe⁺ jne⁺ wi⁺ kih⁺ he⁺ laa⁺ jne⁺ kyaah⁺ Cristo

¹² Øøhn¹ hi⁻ hnaan⁺, wa'ra⁻ ga⁺ ngëeh' hnäh' cha⁻ miih⁻ he⁻ wiï', ta⁺ jmee⁻ dsaa[~] hoh' hnäh'. Ta⁺ wa' laah' hnäh': "Sa⁺ cha⁻ he⁻ kih' jëen⁻ koo⁻ na⁻ jiih' he⁻ wiï'." Jëeh' he⁻ na⁻, mi⁻ jnäa⁺ che' lä⁺ ma⁻ dsoo' ja⁻ ba' hoh' hnäh'. ¹³ Wa' chaah⁻ hnäh' llu¹ ba', jëeh' lä⁻ kye⁻ hnäh' ma⁻ jëeh' hnäh' he⁻ wiï' ko⁻ jøh' kyaah' Cristo. Mah' lä⁻ ja⁻ lä⁻ chaah⁻ hnäh' llu¹ jwërte wa'ra⁻ ga⁺ tē' jee' lä⁻ jnääy' ha⁻ koh' jøøh' laay'. ¹⁴ Llu¹ la¹ kyah' hnäh' cher'mah' hlëeh⁺ dsa⁻ wiï' kyah' hnäh' kwaat[~] kih' Cristo. Jëeh' Jmi⁻ lle' kih' Dio he⁻ jnaah¹ jwërte, cheh' tää' kyaah' hnäh'. Dsoo' ba' mi⁻ kwah' dsa⁻ Jmi⁻ lle' kih' Dio pero hnäh' jmeeh⁻ hnäh' juuh⁻ kiyh'. ¹⁵ Pero jyoh' juu¹ ba' ja⁻ cher'mah' jëeh' hnäh' he⁻ wiï' kih' he⁻ ma⁻ jngëeh⁺ hnäh' dsa⁻, o cher'mah' ma⁻ hiih' hnäh' kih' dsa⁺, cher'mah' ma⁻ jmeeh' hnäh' he⁻ hliih', cher'mah' ma⁻ taah' hnäh' jee' sa⁺ ga⁺ tēeh' hnäh'. ¹⁶ Pero cher'mah' jëeh' hnäh' he⁻ wiï' kih' he⁻ laah' hnäh' dsa⁻ kyaa¹ Cristo sa⁻ la¹ o⁻ hih⁺. Kwa' hnäh' ti'hmaah' kih' Dio ba' kih' he⁻ jëeh' hnäh' he⁻ wiï'.

¹⁷ Ma⁻ dsëë' jmiï' he⁻ ngiih' Dio kwaat[~] kih' dsa⁻ kyaay'. Cher'mah' ma⁻ løø' ngiiyh[~] kwaat[~] jnän', ha⁻ ga' koh' sa⁺ jmeey' kih' hi⁻ sa⁺ ma⁻ heeh⁻ ju'hmëë' kiyh'. ¹⁸ Cher'mah' he⁻ lii' ba' dsa⁻ lää' hi⁻ lluu', ha⁻ ba' lä⁺ le' kih' hi⁻ sa⁺ ma⁻ heeh⁻ juu' kih' Dio hi⁻ tääh' jmee⁺ wa' la' cha⁻ la⁻. ¹⁹ He⁻ ja⁻ ma' jëe' jne' he⁻ wiï' lä⁻ hnøø' Dio, ma⁻ nøø' jne' jmeen' he⁻ llu¹ jmah' ba' hi⁺ wa' tøøhn' goo⁻ Dio lä⁻ jē⁺ he⁻ chaa⁻ jne'. Jëeh' hi⁻ he' ga⁺ jmää' jne' hi⁺ mi⁻ te¹ bih' juu' kiyh'.

5

Nuu^h kih' dsa⁻ hi⁻ kye⁻ nē'

¹ Na¹ hlëëhn' lä⁺jëë⁺ hnäh' dsa⁻gyuuh' kya^a gwah⁺ lä⁻kaa⁻ jee' tääh' hnäh'. Jëë da', koo⁻ ba' la' ta' kin' kyaah' ta' he⁻ jmeeh⁻ hnäh'. Hi⁺ jmeen⁺ juu' dsoo' kih' he⁻ wi⁺ he⁻ ga⁻ngëë' Cristo, hi⁺ lä⁺ja⁻ tëëhn' ya⁺jwi⁺ kiyh' he⁻ na' ga' lä⁺jnä'. He⁻ja⁻ chuun' kyaah' hnäh'. ² Hää⁺ hnäh' lä⁻jëë⁻ dsa⁻ kya^a Dio hi⁻ nøø' goo⁻ hnäh'. Jmee' hnäh' ta' lä⁻koh' lla⁻ hoh' hnäh' ba', ja⁺ kyaah' he⁻ wi⁺, ni⁺ ja⁺ kih' he⁻ hee' hoh' hnäh' kuu', hi⁺ jmee' hnäh' lä⁻kaa⁻ tuh⁻hoh' hnäh'. ³ Ta⁺ wa' hnooh⁻ hnäh' he⁻ jmee' dsa⁻ hi⁻ hääh⁺ hnäh' ta' he' kyah' hnäh'. Jmee' da' hnäh' ta' he' kih' dsa⁻ jää⁺, mah' lä⁻kyuuyh⁻ jmeey' ja⁻ ba' lä⁻koo⁻ jmeeh⁻ hnäh'. ⁴ Mah' lä⁺ja⁻, wa' ra⁻ jah' hi⁻ laa⁺ to⁻ nē' kih' jee' lä⁻jëë⁻ jne' hi⁻ hä' goo⁻ ta' la⁻, hñah⁻ jne' koo⁻ coron he⁻ jnaah' jwërte he⁻ sa⁺ hee' jih'koh'.

⁵ Ja⁻ba' lä⁺ja⁻ hnäh' chih⁻ kwa^a, wa' nuuh' hnäh' kih' dsa⁻gyuuh'. Hi⁺ jmee' hnäh' hwaah' hnäh' kyaah' dsa⁻kyaah' hnäh'. Jëëh':

Dio jne⁺ jwë' kih' hi⁻ jmää[~] hñii' kaah',

pero llu⁺ dsëy' kyaah' hi⁻ jmää[~] hñii' hwa^a.

⁶ He⁻ja⁻ jwëëhn[~] hnäh', jmää[~] hnäh' hñaa⁺ hwaah' kyaah' Dio hi⁻ cha⁻ cha⁻ miih⁻ be' kih' mah' jmääy' hnäh' kaah' wa' ra⁻ ga⁻dsëë' jmi⁺ ja⁻. ⁷ Tøøh' hnäh' goo⁻ Dio lä⁻jë⁻ hu⁺dsë⁻ he⁻ cha^a hnäh', jëëh' hñii' bih' hääy⁻ hnäh'.

⁸ Leeh⁻ hnäh', mi⁻jnøø' hnäh' mi⁻nëh'. Jëëh' hi⁻sa⁻llu⁺ hñaa⁻ dsëy' kyaah' jne'. Tää⁺ sa⁺ jääy' ngëy⁺, hnaayh⁻ hi⁻saayh⁺. Laay⁺ lä⁻koh' jaa⁻ hyah⁻ hää⁺ jee' hnooyh⁻ he⁻kuyh⁺. ⁹ He⁻ja⁻ go⁻taah' hnäh' koo⁻ hweh⁻ kyaah' he⁻ma⁻dsoo' hoh' hnäh', lä⁺ja⁻ ta⁺ kwa⁻ hnäh' jwë' kaayh⁺ hnäh'. Ma⁻nëh' ba' hnäh', ja⁻ba' lä⁻na⁻ dsa⁻ngëë' lä⁻jëë⁻ øøh' jne' hi⁻ tääh' lä⁻kaa⁻ jmi⁻gyuuh⁺.

¹⁰ He' ba' Dio hi- kwa' lä'jē' he- llu' jnän` ga'tēyeh' jne' ta'la' kih' Jesucristo mah' tēeh' jne' ya'jwii' kiyh' he- sa' llaa' jih'koh'. Hi' ma-ngēē' ma-jēē' jne' he- wi' miih- jmi', Dio jmää' jne' lluu' go-te~, jmeey' jä' jne' koo- hweh-, hi' jmeey' lä' cha- be' jnän`, mah' mo' so' cha- ga' he- le' jnän`. ¹¹ Lä'ja- wa' jmään' Dio jnän` jøøh' hi- cha- be' kih' lä'jē' joh' jmi' cha-. Wa' la' lä'ja-.

Ga'jmeē' Pee' Dio kih' dsa- jee' ga'dsaa' juu' la-

¹² Ma-siin' miih- juu' la- kyaah' Silvano hi- laa' jaa- øøh' jne' hi- mi-te' juu' kih'. Ma-kwan' miih- nuuh- la- kyah' hnäh' hi' jmeen' dsoo', he- la- ja-, he- la' kwa' Dio. He-ja- go-taah' hnäh' koo- hweh- kyaah' he- ja-.

¹³ Øøh' jne' hi- tääh' jwi- Babilonia hi- na-lleeh' ko-jøh' kyaah' hnäh', jmeey' Dio kyah' hnäh', lä'ja- Marco gyuu- kyaan' ka-läh'. ¹⁴ Jmeē' hnäh' Dio kih' dsa-kyaah' hnäh' hi' ja- chuh- hnäh' kiyh' lä'llu' he- hnaah' hnäh'.

Wa' hii' tii' kih' lä'jēē' hnäh' hi- laa' koo- ba' kyaah' Cristo. Wa' la' lä'ja-.

Hmooh hmëë he- ga-jmee Jesucristo; Salmos
New Testament and Psalms in Chinantec, Ozumacín
(MX:chz:Chinantec, Ozumacín)

copyright © 2003 Wycliffe Bible Translators, Inc.

Language: Chinantec, Ozumacín

Translation by: Wycliffe Bible Translators, Inc.

Chinanteco, Ozumacín [chz], Mexico

Copyright Information

© 2003, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament and Psalms

in Chinantec, Ozumacín

© 2003, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
